

欽定大清會典

一
函
九
冊

欽定大清會典卷九

戶部

戶口

凡編審八旗戶口以三年爲率屆期移文八旗滿洲蒙古漢軍都統及盛京將軍各省駐防將軍都統副都統飭所屬佐領簡稽丁壯登名於籍達部彙疏以聞以周知八旗繁衍之數凡編旗丁每戶

書某氏某官未仕者曰閒散某士書父兄官職名氏旁書子弟兄弟之子及戶下若干人或籍或他往皆備書○駐防及居外省者編二冊一申部一咨旗檢校凡八旗氏族載在冊籍者曰正戶僮僕而本主聽出戶者曰開戶由所隸佐領別宗支覈真僞稽遠近考其譜系以時除注具有年久丁冊脫漏世系無可稽考者別載冊籍均條晰申部用資簡閱凡八旗漢軍除從龍勳戚子孫外或有田宅或依嫻戚或操工作需在各省營生食力者許呈本旗都統及所在督撫隨其人之宜聽其生業督撫於歲終具冊咨部彙奏凡旗人立後先兄弟之子次從兄弟之子次族姓擇昭穆相當者聽立爲後立後時必聞族長呈參佐領押字若本宗無人許撫異姓正戶之子爲嗣呈兩家族長佐領亦如之有同宗而立異姓及收僮僕並漢人者禁之凡旗人價僮者官給印票記戶冊稽親鄰察其非犯罪脫籍假冒者徵信而

質劑爲所價繫旗人領催押字漢人兵馬司書券在奉天各省者所在官掌其成市亦如之若滿洲蒙古壯丁越旗自鬻及以僮僕鬻漢人者論凡戶下人隨主出征有先登得城者准其出戶其親伯叔兄弟亦准隨出編入正戶冊凡直省戶口以乾隆十八年奏報民數冊計之得戶三千八百八十四萬五千三百五十有四口萬有三百有五萬○直隸人丁三百七萬一千九百七十五戶九百三十七萬四千二百十有七口○盛京人丁五萬九千二百十有二戶二十二萬一千七百四十二口○山東人丁四百五十三萬九千九百五十七戶一千二百七十六萬九千八百七十二口○山西人丁百七十七萬九千二百四十七戶五百十有六萬二千三百五十一口○河南人丁三百二萬九千五百二十八戶七百十有一萬四千三百四十六口○江南江蘇人丁五百四十七萬八千二百八十七戶一千二百六十一萬八千九百八十七口○安徽人丁四百十有三萬六千一百二十五戶一千二百四十三萬五千三百六十一口○江西人丁二百十有八萬五千一百九十五戶五百五萬五千二百五十一口○福建人丁一百十有二萬七千七百四十六戶四百七十一萬三百九十九口○浙江人丁三百四萬三千七百八十六戶八百六十六萬二千八百有八口○湖廣湖北人丁百七十五萬六千四百二十六戶四百五十六萬八千八百六十口○湖南人丁百六十六萬四千七百二十一戶四百三十三萬六千三百三十二口

○陝西西安人丁一百三萬三千一百七十七戶三百八十五萬一千四十三口○甘肅人丁百萬二千五百十有八戶二百十有三萬三千二百二十二口○四川人丁七十五萬七百八十五戶一百三十六萬八千四百九十六口○廣東人丁百二十四萬一千九百四十戶三百九十六萬九千二百四十八口○廣西人丁九十四萬三千二十戶一百九十七萬五千六百十有九口○雲南人丁三十七萬一千二百八十四戶百萬三千有五十八口○貴州人丁六十二萬九千八百三十五戶一百七十一萬八千八百四十八口 凡編審直省戶口以五年爲期州縣官通稽境內民數每百有十戶推丁多者十人爲長餘爲十甲甲繫以戶戶繫以口編爲一冊城中曰坊近城曰廂在鄉曰里民年十六始傳六十以上除之布政使司以所屬比冊上之督撫督撫疏報以冊達部部受直省之冊彙疏以 聞以周知天下生民之數 凡人丁計口出銀以代徭役前代相沿載在版籍者曰徭銀自昇平歲久生齒益繁康熙五十二年適因 恩詔以五十年編冊爲率永免增丁之賦雍正二年以冊存見數按直省州縣均入田賦

代輸其無田之戶悉免之間有不便均輸者仍依舊制丁地分徵以從土俗之宜 凡直省徭銀均入田賦者二百七十二萬六千二百十有一兩有奇每五年編審丁有滋生徭無加額若田有墾復升科者仍取田賦內代輸徭銀計其輕重而通均之 凡保甲之法戶給印單書其姓名習業出注所往入稽所來

十戶爲牌立牌長十牌爲甲立甲長十甲爲保立保長自城市達於村鄉使相董率遵約法察姦究勸懲行善則相共舉則相及以安休息之政

欽定大清會典卷十

戶部

田賦

粵自東土肇基於燕斯宅繁遼奧區稱九州之上腴焉近畿五百里內當明季兵燹之後野多曠土

定鼎之初以錫鞶策羣力垂爲世業墟市不改邱冢如故有民田犬牙相錯者取別州縣閒田易之

俾旗人各安其業以正經界其徵輸之籍盡除之直省民田則三壤以行兩稅而常賦以定修和歲久田

野日闢迺取徭銀計畝而均輸之永免口率之徵以寬百姓之輸將底慎國家之財賦凡宗室王貝

勒貝子公將軍賜畿輔莊園各有差通計八旗萬三千三百三十八頃有奇凡勲戚世爵職官軍

士賜畿輔莊田各有差通計八旗十有四萬百二十八頃七十一畝有奇凡畿輔旗莊國初頒

賜已定厥後皇子分封公主贈嫁皆取諸內府莊田承平以來邊界益拓盛京東北及諸邊口外

有稱賦脫不毛之土多闢爲腴壤八旗戶口滋繁咸取給焉凡八旗官兵所受之田毋許越旗賣價及

私售與民違者以隱匿官田論 凡牧場近京之地阡陌相連盡給八旗官兵以沙地不耕者爲場

盛京及沿邊之地廣漠無際屯墾所不能盡擇水草肥美者爲場以牧 上廐馬及驢駝牛羊次給宗室

王公八旗官兵以廣牧政 凡直省田賦以乾隆十八年奏銷冊計之其民田七百八萬千七百四十二

頃八十八畝賦銀二千九百六十一萬千二百一兩糧八百四十萬六千四百二十二石各有奇草五百

十有四萬五千五百七十八束○直隸布政使司民田六十五萬七千九百九十一頃八十七畝賦銀二百

四十一萬千二百八十六兩糧十萬千二百二十九石各有奇草九萬四千四百四束

糧草均留充本省經費 ○

盛京民田二萬五千二百四十三頃二十一畝賦銀三萬八千百有十兩糧七萬六千二百六石各有奇

糧充本省經費

○山東布政使司民田九十七萬千有五十四頃七畝賦銀三百三十四萬六千二百五十七兩

糧五十萬七千六百八十石各有奇

歲漕

京師三十四萬八千七百七十八石留充本省經費十有五萬八千九百二十石各有奇

○山西布政使司民

田三十二萬九千五百八十六頃二十一畝賦銀二百九十七萬二百六十六兩糧十有六萬九千二百

四十六石各有奇

糧充本省經費

○河南布政使司民田七十二萬二千八百二十頃三十六畝賦銀

乾隆三年蠲除百六

十兩

實徵三百三十萬三千八十兩糧二十四萬八千八百六十五石各有奇

歲漕

京師二十二萬九千八百七十四石留充本省經費二

萬八千九百九十一石各有奇

○江南江蘇布政使司民田六十八萬九千八百八十四頃四十五畝賦銀

雍正三年蠲除四十五萬

乾隆二年蠲除三百三十七萬千三百三十四兩糧二百十有五萬五千二十一石各有奇歲漕京師百七十一萬

六千八百八十九石留充本省經費

四十三萬八千三百三十二石各有奇

○安徽布政使司民田三十三萬八千二百二十頃九十三畝賦銀百

六十八萬八千兩糧八十四萬五千二百四十八石各有奇歲漕京師五十六萬六千二百七十六石

石各留充本省經費二千七萬八千九百七十一

有奇

○江西布政使司民田四十七萬九千二百七頃六十二畝賦銀雍正三年蠲除七萬五千五百四

七百七十十九兩乾隆三年蠲除三萬七千

四兩實徵百三十二石留充本省

經費十有二萬九千四歲漕京師七十五萬

百九十九石各有奇

○福建布政使司民田十有二萬八千二百七十頃八十七畝賦銀一百十有七

萬七千八百九十九兩糧十有六萬八千四百五十三石各有奇糧充本省經費

○浙江布政使司民田四十五

萬九千七百八十七頃七十畝賦銀雍正五年蠲除八萬七千二百兩乾隆三年四年蠲除四萬五百四十兩實徵

二百八十一萬二千四百四

十九兩糧一百十有三萬四百八十一石各有奇歲漕京師八十五萬六千七百三十九石留充

○湖北布政使司民田五十六萬六千九百十有三頃四十九畝賦銀節年蠲除十有八萬二千四百五十四兩實徵

百有十萬

八千一百五十三兩糧二十八萬六千五百五十四石各有奇歲漕京師十有三萬二千四百三十三石留

各奇

○湖南布政使司民田三十一萬二千二百八十七頃九十八畝賦銀節年蠲除十有八萬一千五百五十三兩實徵

一百十

有六萬三千六十三兩糧二十七萬七千六百四十一石各有奇歲漕京師十有三萬三千七百四十

三石留充本省經費十有四萬三千八

十

石各有奇○陝西西安布政使司民田二十五萬二千三百七十一頃三畝賦銀百五十三萬九百七兩

糧十有六萬八千四百五十三石各有奇○甘肅布政使司民田十有七萬七千八百三十一頃

三十三畝賦銀二十五萬七千七百二十三兩糧五十萬三千四百七十六石各有奇○草充本省經費

百七十四束○四川布政使司民田四十五萬九千四百四十六頃六十七畝賦銀六十五萬九

千七十五兩糧萬四千三百二十九石各有奇○廣東布政使司民田三十二萬八千八百三十

二頃九十三畝賦銀百二十五萬七千二百八十六兩糧三十四萬八千九百九十五石各有奇○廣

西布政使司民田八萬七千四百頃六十畝賦銀三十八萬二千五百九十七兩糧十有三萬三百七十

五石各有奇○雲南布政使司民田六萬九千四百九十九頃八十畝賦銀十有五萬三千七百

五十兩糧二十三萬八百四十八石各有奇○貴州布政使司民田二萬五千六百九十一頃七

十六畝賦銀十萬一百五十六兩糧十有五萬四千五百九十石各有奇○凡天下屯田咸給運

軍軍運漕糧隸衛所田賦歸州縣徵收隸布政使司○國初田隸衛所設屯田御史屯田道以

本色或輸折色或本折各半或本七折三所輸不同皆與民田同科○屯田荒蕪召軍民墾復無力者官

給牛具荒地內有軍指爲民民詭爲軍者以時清釐○民冊承差衛所毋許率累軍冊有役州縣不得重

科民佃軍田輸租則免軍役軍佃民田完賦則免民徭○軍田許照民田售典與軍者聽與民者禁違則以田歸衛以直充公○各省布政使司屯田以乾隆十八年奏銷冊計之其田二十五萬九千四百十有六頃四十八畝賦銀五十萬三千五百五十七兩糧三百七十三石各有奇○山東屯田二萬二千頃八十九畝賦銀五萬六千十有八兩各有奇○山西屯田九千九百九十九頃三十畝賦銀五萬九千二百一十九兩各有奇○河南屯田七千二百五十二頃九十八畝賦銀萬七千九百九十一兩各有奇○江南蘇州屯田萬一千五百九十六頃九十二畝賦銀三萬七千三十五兩各有奇○安徽屯田萬一千八百五十六頃八十六畝賦銀四萬五千八百六十兩糧三百七十三石各有奇○江西屯田六千四百三十五頃六十六畝賦銀萬四千九百三兩各有奇○福建屯田七千八百四十五頃三十一畝賦銀四萬四千三百十有六兩各有奇○浙江屯田千七百四十一頃六十四畝賦銀萬七千八百九十七兩各有奇○湖廣湖北屯田二萬四百十有六頃二十三畝賦銀五萬二千七百兩各有奇○湖南屯田五百十有一頃十有八畝賦銀三千二百四十八兩各有奇○陝西西安屯田三萬九千二百三十六頃八畝賦銀七萬四百二十六兩各有奇○甘肅屯田十萬七千二百四頃七十八畝賦銀二萬八千五百七十五兩各有奇○四川屯田百三十四頃八十二畝賦銀一百兩各有奇○廣東屯田五千二百七十一頃八十

四畝賦銀千八百七十七兩各有奇○廣西屯田千九百九十六頃六十二畝賦銀八千五百十有六兩各有奇○雲南屯田五千九百十有五頃三十七畝賦銀四萬四千九百七十四兩各有奇 凡免科田

郊壇 社稷山川厲壇學校 闕里 孔林四氏學 周公廟各聖賢祠墓寺觀地計三千六百

二十頃有奇 凡學田專供修學及贍給貧士其田與賦卽在州縣田賦之中惟佃耕收租以待學政撥發間有山塘園屋統名曰田所收有銀有錢有糧統名曰租田之多寡租之輕重各學不齊舊無定額直隸學田千四百二十九頃八十八畝租銀二千七百七十六兩糧千九百十有六石各有奇○山東學田四百十有七頃七十二畝租銀千三百二十九兩各有奇○山西學田二百七十七頃九十八畝租銀二百五十七兩糧十有六石各有奇○河南學田二百十頃七十一畝租銀九百六十五兩各有奇○江南江蘇學田四百十有八頃五十八畝租銀五千四百九十一兩各有奇○安徽學田二百二十頃十有八畝租銀千六百四十兩各有奇○江西學田六十八頃租銀十有八兩糧八千四百十有七石各有奇○福建學田九十頃七十畝山園池屋不計數租銀百五十四兩糧千二百四十九石各有奇○浙江學田三百頃十有七畝租銀三千五十兩有奇○湖廣湖北學田百二十頃五十七畝租銀八百三十二兩糧百九十二石各有奇○湖南學田七千三百頃八十畝租銀二十九兩糧四千三百五十八石各有奇○

陝西西安學田五十五頃二十畝租銀百五十四兩糧千二百四十九石各有奇○甘肅學田三百十有一頃二十五畝租銀八十九兩糧千二百九十四石各有奇○四川學田二十三頃有奇田不起租以賦給貧士○

廣東學田百五十一頃十有六畝租銀千九百三十兩有奇○廣西學田百三十四頃七畝租銀千七百三兩糧三十二石各有奇○雲南學田十有四頃八十八畝租銀三十六兩糧五百九十一石各有奇○貴州學田四十四頃十有八畝租銀二百四十六兩糧四百八十七石各有奇 凡土司貢賦川廣雲貴布政使司所屬宣慰宣撫安撫長官等司及土府州縣社寨夷徭向化既久或比年一貢或三年一貢各因其土俗以定制焉○四川布政使司所屬土司歲貢蕎麥馬牛狐皮貝母折銀四千七百二十三兩糧千二百七十石各有奇馬十有三匹三年一貢馬折銀二百十有二兩有奇馬五十三匹○廣西布政使司所屬土司歲貢馬折等銀六百三十三兩有奇○雲南布政使司所屬土司歲貢礦課及茫布鹿皮等折銀萬三千七百八十二兩有奇○貴州布政使司所屬土司歲貢米穀萬六千四百三十石馬折等銀三萬二千四百八十兩各有奇 凡丈量按部頒弓尺廣一步縱二百四十步爲畝方廣十五步縱十六步有司於

農隙時親率里甲履畝丈勘以定疆界杜占爭均畝賦有差委滋擾及徇私者罪之○州縣冊籍原載邱段四至不清者丈欺隱率累有地無糧有糧無地者丈畝步不符賦則或浮者丈熟荒相異旗民鹽竈以

及邊地民番相錯者丈壤界相接畛域不分者丈荒蕪召墾寄糧分隸

田在此邑
糧寄彼縣

者丈水衝沙壓公占

如

渠築隄占

應抵

以他地
撥抵

應豁

豁除
糧賦

者丈○瀕江瀕海之區五年一丈視其或漲或坍分別升免

凡開墾

各州縣衛所荒蕪膏腴地遷漲新開地各邊口外曠土咸分給兵民墾種

沿邊牧地
不准開墾

無力者官給牛種招

徠外籍入甲及徒流之人均准屯墾給照爲業番夷地畝亦准租墾屯兵及邊地民苗不諳耕穫者爲治

耒耜備夫教之以俟其嫻習開渠洞以資灌溉建房堡以備棲止○水田六年起科旱田十年起科如本

管官召墾及官生捐墾者以田歸佃次年起科隱墾首報者就首報年起科有豫徵私斂者罪之○州縣

衛所官勸墾多寡道府等督率勤惰歲終並入考成紳士倡率者予敘隱匿自首者免罪有橫加科則抑

報墾墾者罪之○凡勸課農桑由地方大吏倡有司課民力耕耘修蠶織廣樹蓄以勤生業戒游惰懲

黷禁種妨農雜物以崇本計革暴殄浮靡以節物力舉力田老農榮以冠帶以勸勤勞凡有利於民生者

均隨宜鼓舞令民樂於從事不得督責嚴急繩以官法有忽視民隱奉行不善者劾之○凡直省田賦由

州縣官徵解布政使司執其總而量度之或聽部撥解京或充本省經費或需鄰省酌劑歲陳其數析爲

春秋冬三冊由巡撫咨部春二月秋八月冬十月部受其計簿覈其盈絀授以式法列其留存撥解之數

以時疏聞以定財用出納之經○運解京餉除陝甘四川雲南貴州等布政使司賦稅全支本省經

費餘省由部按巡撫所報實存冊移文撥解布政使司具批二一申部一申科巡撫選委解官十萬兩上以府同知通判五萬兩上以州同州判官及縣丞簿五萬兩下以雜職皆擇其俸深廉幹者任之計程限日到部直隸近畿不立限山東山西河南以六十日江南江西浙江湖北湖南以八十日福建廣東廣西以百日過期者劾部限三日校數無闕以實收及原批發解官齎赴戶科驗畢回繳布政使司爲信起運之時每程給腳直每檣給局鑄費銀有改煎給耗費所經州縣大道給車馬僻徑給擔夫不得沿途累民督撫飭弁兵防護書檣數於兵牌按程稽覈防護疎失者論○留充經費布政使司以每歲經費之數申巡撫咨部留貯正賦以待支發歲終會計以所屬計簿申巡撫奏銷○鄰省協餉由部按巡撫所報實存冊以應協之數移文發餉受餉二省撫司撥餉布政使司鈐封部定權衡付解吏齎往受餉布政使司驗印封覈收如銀數闕少權衡不符者委運承運官皆論如法其按程給腳直接檣給局鑄等費並與解京餉同 凡直省田賦酌留分貯備用於每歲經費外按直省事務之繁簡道里之遠近賦入之多寡各留賦銀有差或貯布政使司庫或貯知府直隸州庫貯司庫者遇省有急需督撫疏報卽發貯府州庫者遇州縣有急需府州申詳卽發事竣以時奏銷。凡歲課奏銷布政使司會所屬見年賦稅出入之數申巡撫疏報以冊達部曰奏銷冊備載舊管新收開除實在四柱條析起運存留支給撥協採辦爲數若干以

待檢校部會全數而覆覈之彙疏以聞以慎財賦出入以定奏銷考成○量地遠近以定報銷之期直隸山東山西河南陝西甘肅以四月到部江蘇安徽江西浙江湖北湖南以五月福建廣東廣西四川雲南貴州以六月有故疏聞展限若申冊遲延一月至一年以上者冊籍遺漏舛錯及數不符者巡撫以下皆論如法凡歲課考成按銀數以詔最見年賦稅奏銷前全完者予敘經徵州縣以五萬兩下至十萬兩上督徵之道府直隸州以十萬兩下至二十萬兩上巡撫布政使司以五十萬兩下至百萬兩上爲差經徵守備千總督徵都司於奏銷前全完者予敘以千兩下三千兩上爲差各衛督徵通判視知府經徵經歷視州縣按分數以詔殿州縣分經徵之數爲十分撫司道府州分督徵之數爲十分見年賦稅不完者州縣自不及一分至五分司道府州至六分巡撫至七分論劾有差舊逋賦稅催徵州縣限一年督催司道府州限一年有半巡撫限二年限年內不完者再分三限自原參不及一分至四分論劾有差各衛催徵守于視州縣督催都司視道府受代官見年徵催計賦額分數限年徵催計蒞任月日攝篆官見年徵催攝一月後限年徵催攝一年後均按所徵所欠爲考成凡州縣官徵收田賦如期運解布政使司以待部撥其應充本地經費者如數存留以待支給布政使司受其出入之籍而鉤考之以待奏銷凡州縣上計布政使司自下申牒曰批文以一紙爲兩牒相連兩牒之間書銀數編號中分之一申

巡撫一發解役赴司交納自上給單曰實收布政使司於批解到日以部定權衡掣櫃校數無闕給實收及原批呈巡撫合批相符發回州縣存據 凡州縣催科以分限之法紓民力以輸催之法免追呼以印票之法徵民信以親輸之法防中飽○分限之法州縣按全書所編賦額分爲夏秋兩限及期榜諭俾納戶周知其數二月開徵四月輸半五月停徵八月續徵十一月完徵若物土異宜四月未能輸半者督撫察所屬農事女紅收成早晚以定徵輸之期○輸催之法簡閭里中或五戶或十戶同立一單名曰凌單書納戶姓名於上每戶區作十限以次遞催○印票之法每票三聯名曰聯票書納戶所完賦額編號鈐印而三分之一留縣一附簿一給納戶徵信○親輸之法置廳署前聽民封銀親投以部定權衡准其輕重若奇零之數願以錢納者聽每十錢當銀一分以禁吏胥侵漁○民有負賦者責追職官生監及吏役兵丁各以其所負之數別而論之橫斂加徵者劾 凡稽察庫藏督撫司道及本管府州每歲於奏銷前覈視所屬庫藏如有虧闕參革究追由法司覈實依律罪之 凡賦役全書由布政使司彙所屬州縣衛田賦各數以地丁賦糧商牙課稅爲一書應支官役俸工驛傳料價爲一書應解本色折色物貨爲一書分別原額新增開除實在彙纂成編每十年則修輯之書成申部科頒州縣以備考覈

戶部

權量

度量衡受法於律黃鐘桑黍漢志僅存其說

聖祖仁皇帝考古法以制度而量與權衡準焉

皇帝參古今尺度制爲嘉量而權衡攸同

聖明相繼

作述兼隆誠度越前規式昭萬禩矣

度

橫黍度

古尺

縱黍度

今尺

